

ZURE PAZKOA. GURE ITXAROPENAREN ARRAZOIA

HAURRENTZAKO MATERIALA

GARIZUMA 2024



EKINTZA KATOLIKO OROKORRA



SARRERA

Haurrentzako lagungarri hauekin gure parrokitako mutiko eta neskatoei laguntasuna eskaini nahi diegu Garizuma-aldia Jesukristoren Nekaldi, Heriotza eta Berpizkundea ospatzeko beren bihotza prestatuz eta gu salbatzera, Jainkoaren poztasun, bake, zuzentasun eta gertutasuna iragartzen ikasiz bizi dezaten. Horretarako igande bakoitzeko Ebanjelioari lotutako jardunbide erraza aurkeztuko dugu, dagokigun taldearen asteroko batzarrean egiteko. Saioaren amaieran, astero, landutako guztia konpromiso zehatzean gauzatuko da. Taldearen batzarraren zati bat honi eskainiko diogu, baina saio osoa ez da honetarako izango. Hurrei adore eman eta lagundu egin nahi diegu beraiek ere Jesukristo beste batzuei iragartzeko egitekoa dutela jabe daitezen. Eta hori egiteko bidea erakutsiko diegu: beren ekintza txikiak, besteen aldeko keinu txikiak, hitzak, beren fedearen berri ematea, Jesus adiskidetzat izateak zer dakarkien azaltzea...

Nola egin?

Aldez aurretik, laguntzaileek delako igande horri dagokion heldu eta gazteentzako GARIZUMAKO KATEKESIA eta GARIZUMAKO IBILBIDEA bakarka edo taldean lantzea komeni da. Hartu-emana izango dugu hurrekin, aipatutako hiru puntuez baliatuz. Galdera hauek IKUSI – EPAITU – EGIN jardunbideari dagozkio:

- **Ikusi:** hurrek beren inguruan gertatzen eta ikusten dituzten gauzak batera jar ditzatela.
- **Epaitu:** Aste horri dagokion Ebanjelioko pasartea irakurri. Musika jar dezakegu irakurri ondoren, isiltasuna egin eta hurrek, bakarka, berriz irakur dezaten. Behar adina denbora hartuko dugu testua azaltzeko. Badira testu korapilatsuak eta minutu batzuk gehiago hartzea komeni da. Pasartea ulertzen lagunduko diguten galderak eskainiko dira.
- **Ekin:** Konpromisoa hartuko dute asetan zehar egiteko. Gauza erraza, hurrek pentsatutako zerbait, Jesusen bere Hitzarekin esan digunari erantzuteko. Konpromiso zehatzak proposatuko dira, baina hurrek hauta dezatela zer egin. Astero, labur-labur, aurreko asteko konpromisoak aztertuko ditugu.

Dokumentu honen amaieran, garizuma-irudiak dituzten eranskin batzuk daude, hurrek margotu ditzaten.

HAUSTERRE EGUNA

Hasteko, hona hemen galdera batzuk: **Badakizu zenbat egun irauten duen Garizumak? Zergatik ote dira 40 egun?** Igandeko Ebanjelioari aurrea hartu eta Garizumaren ingurukoak azalduko ditugu.

Jesus bidelagun dugula ekingo diogu bideari, Garizumako bideari. Elkarrekin bide egingo dugu datozen 40 egunez, Erramu-igandez Jerusalemera iritsi arte. Orduan, bere Nekaldi, Heriotza eta Berpizkundea ospatuko ditugu. Pazkoari begira ekingo diogu Garizuma-aldiari, Jesus gutariko bakoitzarengan hil eta piztu egingo dela sinetsita. Bera bizirik dago eta lagun egiten digu egunero. Gainera, maitasuna oparitzen digu gure bizitzak aldatzeko eta zoriontasunez betetzeko.

Abestia:

POLVO SOY – Paola Pablo



Ebanjelioa irakurriko dugu: Mateo 6, 1-6. 16-18

Ez egin gero zeuen erlijio-betebeharrak jendaurrean, jendeak ikus zaitzaten; horrela, ez duzue saririk jasoko zeruko zeuen Aitarengandik. Beraz, limosna egitean, ez ibili turuta joka, itxurazaleek sinagogetan eta kaleetan egin ohi duten bezala, jendearen txaloak irabazteko. Benetan diotsuet: Hartua dute beren ordaina. Zuk limosna egitean, ez beza jakin zure ezkerak zer egiten duen eskuinak; horrela, zure limosna ezkutuan geldituko da, eta ezkutukoa ere ikusten duen zeure Aitak emango dizu ordaina. Otoitz egitean, ez egin itxurazaleek bezala: gogoko dute sinagoga eta plazetan zutik otoitz egitea, jendearen agerian. Benetan diotsuet: Hartua dute beren ordaina. Zu, orde, otoitz egiteko, sar zaitetz zeure gelan, itxi atea eta egin otoitz ezkutuan dagoen zeure Aitari, eta ezkutukoa ere ikusten duen zeure Aitak emango dizu ordaina. Barau egitean, ez zaitetzte ager kopetilan, itxurazaleek ohi duten bezala: aurpegia itsusten dute, barau egiten dutela jendeari azaltzeko. Benetan diotsuet: Hartua dute beren ordaina. Zuk, orde, barau egitean, igurtzi lurrin gozoz burua eta garbitu aurpegia, zure barauaz jendea ohar ez dadin, ezkutuan dagoen Aita baizik. Eta ezkutukoa ere ikusten duen zure Aitak emango dizu ordaina.

- **Y Nora begiratzen du Jainkoak?** Nola egin behar ditugu gauzak? Eta guk, zerbait ona egitean, **zergatik egiten dugu?** Gaurko ebanjelioak dei egiten digu zintzoak, harrokeriarik, gibel-asmorik gabekoak izan gaitezen, Jainkoak gure bihotzari begiratzen diolako. Jesusek ez digu errezetarik ematen, benetan bizi izaten irakatsi nahi digu, benetan ezinbesteko duguna azpimarratuz: maitatu eta besteen maitasuna onartu.

GARIZUMAKO LEHEN IGANDEA. otsailak 18

Jesusek basamortuan igaro zituen 40 egunei eta Satanasen tentazioei buruzkoak kontatzen dizkigu Garizumako lehen igande honetako ebanjelioak. Tentazioen eta ongi eta gaizki dauden gauzen arteko aldeen inguruan jardungo dugu.

Hurrei azaldu:

Jesusek, gaur, tentazioei buruz hitz egingo digu. Badakizue tentazioa zer den? Basamortuan igaro zituen berrogei egunetan, **zein tentazio izan zuen?** Eta guk, eguneroko bizitzan, **ba ote dugu tentaziorik? Zein?** (ikastetxean, adiskideekin, familiarekin, parrokan...).

Abestia:


CUARENTA DÍAS CAMINANDO – Ixcís



Ebanjelioa irakurriko dugu: Markos 1, 12- 15

Berehala, Espirituak basamortura bultzatu zuen Jesus. Berrogei egunez egon zen basamortuan, Satanasek tentatzen zuela. Basabereekin bizi zen eta aingeruak zituen zerbitzari. Joan Bataiatzailea kartzelan sartu eta gero, Jesus Galileara etorri zen eta Jainkoaren berri ona hots egiten zuen. Honela zioen: «Betea da garaia, eta gainean duzue Jainkoaren erregetza. Bihozberri zaitezte eta sinetsi berri ona».

Batzuetan, tentazioen eraginez, zaila izaten da ongi eta gaizki dagoena bereiztea, baina kristauok, **nola ikas dezakegu bereizten?** Eta hurrek, deskuidatuz gero, **zer egin beharko lukete?**



Ekin: Astean, arreta jarri zuretzat tentazio diren bizpahiru gauzatan. Hurrengo bileran, batera jarri.

GARIZUMAKO BIGARREN IGANDEA. otsailak 25

Hurrei azaldu:


Gaur, Bera nor den diosku Jesusek. Zuretzat, **Nor da Jesus?** Bere garaian, bazen Jesus pertsona berezizat ez zuen jendea, baina adiskideek ez zioten inoiz Berarengan sinesteari utzi.

Zerk egiten zaitu berezi? Nola bizi duzu 'berezitasun' hori senide eta adiskideekin?

Jardunbidea: Abanikoa osatuko dugu taldean. Eskuz esku pasatuko den paperean, albokoaren ezaugarri on bat jarriko dugu. Goian, geure izena idatziko dugu eta hurrengoari emango diogu papera. Horrek, neure ezaugarria idatzi eta tolestu egingo du, hurrengoak ikus ez dezan, eta gauza bera egingo da denek parte hartu arte.

Ebanjelioa irakurriko dugu: Markos 9, 2-10

Handik sei egunera, Jesusek Pedro, Santiago eta Joan hartu eta mendi garai batera eraman zituen aparte. Eta antzaldatu egin zen haien aurrean: jantziak distiratsu bihurtu zitzaizkion, zuri-zuri, munduan inork jar litzakeen baino zuriago. Eta Elias eta Moises agertu zitzaizkien Jesusekin hizketan. Pedrok esan zion Jesusi: «Maisu, zein ederki gauden hemen! Zergatik ez egin hiru etxola: bata zuretzat, bestea Moisesentzat eta bestea Eliasantzat?». Ez zekien zer esaten zuen ere, beldurak jota baitzeuden. Orduan, hodei batek estali zituen eta mintzo hau izan zen hodeitik: «Hauxe dut neure Seme maitea. Entzun berari!». Eta hartan, inguruan begiratu eta Jesus bakarrik ikusi zuten berekin, eta besterik inor ez. Menditik beherakoan, ikusitakoa inori ez aipatzeko agindu zien, harik eta Gizonaren Semea hildakoen artetik piztu arte. Agindu hau bete zuten, baina «hildakoen artetik pizte» horrekin zer adierazi nahi ote zien ziharduten beren artean.



Zer sentitu zuten apostoluek Jesus Jainkoaren Semea zela ikustean?

Una Testua azaldu eta nork bere egin ondoren, abanikoan jarritakoa irakurri eta ondorengo galderak egingo dizkiegu.

Nola sentiarazten gaitu jendeak gutaz dioenak? Egia dela uste duzu?

Ekin: Zer egin dezaket norbait berezi senti dadin? Aste honetan, norbait (adiskidea, gurasoak, anai-arrebak) izango dugu gogoan. Aingeru goardakoarena egin eta adi egon behar duena izan dezan.

GARIZUMAKO HIRUGARREN IGANDEA. martxoak 3

Haurrei azaldu:

Seguruenik, ikusi dituzue noizbait pintadak edo grafitiak eraikinen, trenen, eskolaren edo parrokiaren batean, ezta? Gaurko gizartean, horrelakoak ikustera ohituta gaude. **Baina, zenbat aldiz ikusi duzu norbait horrelakoak garbitzen?** Antzeko zerbait gertatu zitzaion Jesusi.

Abestia:

AGUA LÁVAME – Brotes de Olivo



Ebanjelioa irakurriko dugu: Joan 2, 13-25

Se Hurbil zen juduen Pazko-jaia, eta Jerusalemera joan zen Jesus. Tenpluan merkatariak aurkitu zituen idi, ardi eta usoak saltzen, eta diru-trukatzailleak ere bai, han eserita. Jesusek, lokarriz zartailu bat eginez, tenplutik kanpora bota zituen denak, baita ardiak eta idiak ere; eta trukatzailleen diruak sakabanatu eta mahaiak irauli egin zituen. Uso-saltzaileei esan zien: «Kendu hemendik hau dena. Ez egin nire Aitaren etxea merkatu-etxe». Ikasleei, Liburu Santuak dioena etorri zitzaaien gogora: Zure tenpluaren maiteminak erreko nau. Orduan, galdetu zioten judu-agintariak: «Zer seinale ematen diguzu hori egiteko aginpidea duzula frogatzeko?». Jesusek erantzun zien: «Desegizue tenplu hau eta hiru egunetan berreraikiko dut». Juduek ihardetsi zioten: «Berrogeita sei urte behar izan dira tenplu hau eraikitzeko, eta zuk hiru egunetan berreraikiko duzula? ». Hura, ordean, bere gorputzaren tenpluaz ari zen. Horregatik, hildakoen artetik piztu zenean, esandako hori gogoratu zitzaaien haren ikasleei, eta sinetsi egin zuten Liburu Santuko eta Jesusek esandako hitza. Pazko-jaian Jesus Jerusalemen zegoela, askok sinetsi zuten harengan, egiten zituen mirarizko seinaleak ikusirik. Baina, Jesus bera ez zen fidatzen haietaz, guztiak ezagutzen baitzituen, eta ez zuen inoren aitopenei beharrik, ongi ezagutzen baitzuen berak gizakiaren baitan dagoena.



Al Hasieran aipatu ditugun pintaden antzera, gure bizitzan beste gauza askok ere agertzen du begirunerik eza. **Aipatuko zenuke baten bat?** Eta zuk, **noiz galtzen diezu lotsa besteei?** Jesusek tenpluko merkatariak bota zituen bezala, **nola garbi dezakegu guregan ondo ez dagoena?**

Ekin: Ondo baderitzozu, aste honetan garbiketa egiten lagunduko dugu etxean. Parrokian eta batzar-gelan ere egin dezakegu.

GARIZUMAKO LAUGARREN IGANDEA – martxoak 10

Hurrei azaldu:

Gure bizitzan, askok maite gaitu eta askok asko egiten du gure alde. **Badakizu nortzuk diren gehien maite zaituzten pertsonak? Pertsona horiek, zer egiten dute zure alde?** Seguruenik senide eta adiskideen izenak etorriko zitzaizkizun burura... Baina bada, beste guztien gainetik maite gaituen norbait.

Abestia:

SI NO TENGO AMOR – Unai Quirós



Ebanjelioa irakurriko dugu: Joan 3, 14-21

Aldi hartan, Jesusen Nikodemori esan zion:

«Moisesek basamortuan brontzezko sugea hagan jaso zuen bezala, halaxe izan behar du jaso Gizonaren Semeak, harengan sinesten duten guztiek betiko bizia izan dezaten. Izan ere, Jainkoak hain maite izan zuen mundua, non bere Seme bakarra eman baitzion, harengan sinesten duenik inor gal ez dadin, baizik betiko bizia izan dezan. Zeren Jainkoak ez baitzuen Semea mundura bidali mundua kondenatzeko, haren bitartez salbatzeko baizik. Harengan sinesten duena ez da kondenatua; sinesten ez duena, ordea, kondenatua dago jadanik, ez baitu sinetsi Jainkoaren Seme bakarrarengan. Hauxe da kondenaren arrazoia: argia mundura etorria dela eta gizakiak ilunpea maiteago izan duela argia baino, beraren jokabidea gaiztoa delako. Izan ere, gaizki jokatzeko duenak gorroto dio argiari, eta ez da hurbiltzen argitara, beraren jokabidea agerian geldi ez dadin. Egiaren arabera ari dena, ordea, argitara hurbiltzen da, beraren egintzak Jainkoaren borondatearen arabera eginak direla ager dadin».



Dios Jainkoak neurrigabe eta doan maite gaitu. Gu salbatzeko Semea mundura bidali zuela da horren adierazle. **Baina, zertatik salbatzen gaitu Jesusek?**

Seguruenik gure bizitzan lagun asko maiteko dugu. **Nor maite duzu Jainkoak maite gaituen beste? Zer egiten dugu pertsona horien alde?**

Ekin: Askotan, nekeza egiten zaigu bai pertsona horiei maite ditugula esatea eta bai Jainkoak benetan maite gaituela onartzea ere. **Aste honetan, esango diegu pertsona horiei zelako maitasuna dien Jainkoak?**

GARIZUMAKO BOSGARREN IGANDEA – martxoak 17

Haurrei azaldu:

Batzuetan, hainbeste itsutzen gara gure gauzekin non ingurura begiratzea eta besteekin adeitsu izatea ahazten zaigun. **Gertatu zaizu noizbait? Gogoratzen duzu, zeure gauzetan hain sartuta egonik, ingurukoei arretarik eskaini ez zenien uneren bat?**

Abestia:

LAS BIENAVENTURANZAS



Ebanjelioa irakurriko dugu: Joan 12, 20-33

Jaietan Jainkoari kultu ematera joan zirenen artean baziren greziar batzuk . Hauek Galileako Betsaidako Felipezana hurbildu eta eskabide hau egin zioten: «Jauna, Jesus ikusi nahi genuke».

Felipe Andresi esatera joan zen, eta biek, Andresek eta Felipek, Jesusi jakinarazi zioten. Jesusek erantzun zien: «Iritsi da Gizonaren Semearen aintza azalduko den ordua. Bene-benetan diotsuet: Gari-alea, lurrean sartu eta hiltzen ez bada, bera bakarrik gelditzen da; hiltzen bada, ordea, fruitu asko ematen du. Bere bizia maite duenak galdu egingo du; baina mundu honetan bere bizia gutxiesten duenak betiko bizirako gordeko du. Nire zerbitzari izan nahi duenak jarrai biezat eta, ni nagoen tokian, han izango da nire zerbitzaria ere. Nire zerbitzari dena Aitak ohoratu egingo du. «Larri dut orain neure barrua. Baina zer esan? Larrialdi honetatik ateratzeko eskatuko al diot Aitari? Ez horixe, honetarakoxe etorri bainaiz! Aita, azaldu zeure aintza!». Ahots bat entzun zen orduan zerutik: «Azaldu dut, eta berriro ere azalduko dut». Han zeudenetako batzuek, ahotsa entzunik, trumoia izan zela zioten; beste batzuek, ordea, aingeru batek hitz egin ziola. Jesusek adierazi zuen: «Ahots horrek ez du niretzat hitz egin, zuentzat baizik. Oraintxe da mundu honen epaiketa; oraintxe galduko du bere boterea mundu honetako buruzagiak. Eta nik, lurretik jasoko nautenean, neuregana erakarriko ditut denak». Hitz hauen bidez, nolako heriotzaz hilko zen adierazi zuen.



Gaur, galburu txiki baten antzeko izateaz jardun du. Badakizu zer esan nahi digun horrekin? Gauza garrantzitsua irakatsi nahi digu! Bakarrik geure buruarengan ez ezik, besteengan pentsatzeak balio handia duela. Besteei lagundu eta banatzen dugunean, Jesus gurekin dago. **Nola eskain diezaiekegu arreta gehiago besteei?**

Actuar: Zer egin dezakegu galburuaren antzeko izan eta fruitu emateko?

ERRAMU-IGANDEA - martxoak 24

Hurrei azaldu:


Zer egiten duzu oso pozik zaudenean? Zein hitz darabilzu hori adierazteko?

Abestia: HOSANNA EH HOSANNA AH



Ebanjelioa irakurriko dugu: Markos 11, 1-10

Jerusalemera hurbildu zirenean, Oliamendi inguruko Betfage eta Betania herrixketara iritsirik, bere ikasleetako bi bidali zituen Jesusek, esanez: «Zoazte aurreko herrixka horretara; sartu orduko, astakume bat aurkituko duzue lotuta, gainean inor jarri ez zaiona; askatu eta ekarri. Norbaitek zer ari zareten galdetuko balizue, erantzun: "Jaunak behar du, baina berehala itzuliko du" ». Joan ziren, bada, eta han aurkitu zuten astakumea ate ondo batean kanpotik lotuta, eta askatzen hasi ziren. Bertan zeudenetariko batzuek esan zieten: «Zer ari zarete hor astakumea askatzen?». Jesusek esandakoa erantzun zieten, eta haiek astakumea utzi. Jesusi eramanik, beren jantziak astakumeari bizkarrean ezarri zizkieten, eta Jesus gainean eseri zen. Askok jantziak zabaltzen zituzten bidean; beste batzuek, berriz, bazterretan bildutako adar-hostoak. Aurretik eta atzetik zihoazenek honela zioten oihuka: «Hosanna! Bedeinkatua Jaunaren izenean datorrena! Bedeinkatua datorren erreinua, gure aita Daviden erreinua. Gora Jainko gorena! ».



Irudika ezazu jendearen poza Jesus Jerusalemen sartzen ikustean. Gogoratzen duzu zer zioen? Geuk ere poz-pozik ospatzen dugu Jesus. Bere ondoan egon nahi dugu egun berezi hauetan, bere maitasunaren eta gurutzean gure alde bere burua eskaini izanaren historia bizi dugun bitartean. Eta guzti honetan onena zera da: elkarrekin ospatuko dugula bere berpizkundea zoriontasunez beteriko jaian!

Santuren bat abes dezakegu.

Ekin: Aste honetan, Erramu igandez, parte hartu zure sendiarekin parrokiako erramu-bedeinkapenean. Eta pozik abestu, "Hosanna zeruan!".

PAZKO-EGUNA – PAZKO-GAUBEILA

Abestia:

EL AMOR VENCIO – Unai Quirós



Ebanjelioa irakurriko dugu: Markos 16, 1-7

Larunbata igaro zenean, Magdalako Mariak, Maria Santiagoren amak eta Salomek usain gozoko ukenduak erosi zituzten, Jesusen gorpua gantzutzeko. Eta asteko lehen egunean, goizean goiz, eguzkia atera orduko, hilobira joan ziren. Honela ari ziren beren artean: «Nork kenduko digu hilobi-sarrerako harria?». Begiratu eta harria alboratua zegoela ohartu ziren, oso astuna zen arren. Hilobian sarturik, gazte bat ikusi zuten eskuinaldean eseria, soineko zuriz jantzia, eta erabat izutu ziren. Baina hark esan zien: «Ez izutu! Nazareteko Jesus gurutziltzatuaren bila zabiltzate. Piztua da, ez dago hemen. Ikusi jarri zuteneko tokia. Zoazte, bada, haren ikasleei, eta Pedrori bereziki, esatera: “Zuen aurretik joango da Galileara; han ikusiko duzue, berak esan bezala”».



Hau ustekabea! Zelako aurpegia jarri ote zuten emakumeek hilobira heldu eta hutsik ikustean?

Ekin: Jesus piztu egin da eta bizirik da gure artean. Zure ustez, non aurki dezakegu? Gonbidatu zure familia parrokiako Pazko-gaubeilan edo Pazko-eguneko mezan parte hartzera. Bide honetan Jesusen bidelagun izan ondoren, ez galdu zatirik onenta!

PAZKO LORATU ON!!

GURUTZE-BIDEA ANTZERKI ERARA HAURRENTZAT



SARRERA

KONTALARIA.– Badakizue Gurutze-bidea zer den?

HAURRA.– Egia esan, ez. Zer da?

KONTALARIA.– Jesusek bere heriotzaren aurreko egunak nola bizi izan zituen gogoratzeko kristauok egiten dugun ospakizuna da. Eta gaur, Gurutze-bide honetan, Jesus izango dugu lagun.

HAURRA.– Jesus? Eta, non dago?

JESUS.– Hemen nago. Zera ulertarazi nahi dizuet: ez dagoela ezer maitasuna baino handiagorik eta ezin duela ezerk maitasuna menderatu, ezta heriotza eta sufrimenduak ere.

KONTALARIA.– Orain, Gurutzearen atzetik jarraitu eta egonaldi bakoitzaren aurretik hauxe esango dugu: “Gurtzen zaitugu, oi Kristo, eta bedeinkatzen”.

(Hurrek kurutzea eramango dute egonaldi bakoitzean txandakatuz)

1. EGONALDIA.- “JESUS HERIOTZARA KONDENATZEN DUTE”

1. SOLDADUA.– Hor dago, tira, arin, harrapatu ihes egingo du-eta!

2. SOLDADUA.– Harrapatu dut! Ez gogor egin!

JESUS.– Ez, ez dut gogor egiteko asmorik, indarkeriak ez du ezertarako balio. Bihotzean bakarrik barkamen eta maitasunari utziko diogu lekua.

1. SOLDADUA.– Goazen Pilatoren bila!

PILATO.– Zer nahi duzue?

2. SOLDADUA.– Jesus ekarri dizugu..., han eta hemen, Jainkoa dela dioena.

PILATO.– Eta, zer nahi duzue?

2. SOLDADUA.– Gurutzean josi dezazula.

PILATO.– Ero gizagaixo bat baizik ez da-eta...

1. SOLDADUA.– Zesar iraintzen ari da! Juduen Errege dela esaten du.

PILATO.- Tira... egia da errege zarena?

JESUS.- Errege naiz, baina nire erregetza ez da mundu honetakoa.

PILATO.- Ikusten?, erotuta dago, zigorrada batzuk eta etxera!

1. SOLDADUA.- Baina, zer diozu! Oso arriskutsua da aske uztea; entzun herriari (guziak hauspotzen ditu 'Gurutzean josi!', 'Guruzean josi!' esan dezaten).

PILATO.- Lasai. Zigortutako bat gora-behera..., axola ote du?

Egin nahi duzuen berarekin, nik ez dut ezer jakiterik nahi, eskuak garbituko ditut.

1. SOLDADUA.- Tira, ipini arantzazko koroa... Izan ere, errege zara, ezta?

2. SOLDADUA.- Tira, hartu gurutze hau eta mugitu!

2. EGONALDIA.- "JESUSEK GURUTZEA LEPOAN HARTZEN DU"

(Ekintza burutu)



3. EGONALDIA.- "JESUS LEHEN ALDIZ JAUSTEN DA"

1. SOLDADUA.- Mugi zaitetz, gaur bukatu behar dugu-eta kontu hau!

JESUS.- Ezin dut

2. SOLDADUA.- (*bultzaka*) Ezin duzula Gurutzea eraman? Mirariak egiten dituzula esan omen duzu, ba...

4. EGONALDIA.- "JESUSEK BERE AMA AURKITZEN DU"

MARIA.- Jesus, ez zaitetz joan!

JESUS.- Ama, ez sufritu nigatik... Maite nauzula eta proba honetan ondoan zaitudala jakiteak... indarra ematen dit...

MARIA.- Badakit Jainkoa zurekin dena eta ez zaituena utziko. Neuk ere ez zaitut utziko. Azkenerraino izango naiz zurekin.

EMAKUMEAK.- (*Maria babestuz*) Geuk ere ez zaitugu utziko.

Irakurgaia amaitzean...

1. SOLDADUA.- Tira! Hartu gurutzea, ez baitugu egun osoa...

2. SOLDADUA.- Tira! Mugitu!...

5. EGONALDIA.- “ZIRENEARRAK LAGUNTZEN DIO JESUSI GURUTZEA ERAMATEN”

1. SOLDADUA.- Bizkortu, martxa honetan ez gara iritsiko...

JESUS.- Ezin dut, ezin dut...

2. SOLDADUA.- Aizu, lagundu gurutzea eramaten.

JESUS.- Eskerrik asko! Eta gogoratu, norbaiti laguntzen diozuen bakoitzean, neuri laguntzen didazue.



6. EGONALDIA.- “VERONIKAK JESUSEN AURPEGIA GARBITZEN DU”

(Se hace la acción)

7. EGONALDIA.- “JESUS BIGARREN ALDIZ JAUSTEN DA”

1. SOLDADUA.- Aurrera, ez da-eta ezer geratzen!

JESUS.- Oso ahul nago.

2. SOLDADUA.- Ez gehiago zigortu, bestela ez gara iritsiko

1. SOLDADUA.- (*barreka*) Tira, zergatik ez duzu mirariren baten bidez ihes egiten?

8. EGONALDIA.- “JESUSEK JERUSALEMEN ALABAK KONTSOLATZEN DITU”

1.EMAKUMEA.- Ez zaitez joan, Jesus, behar zaitugu!

2. EMAKUMEA.- Zu gare, Jesus, nora joango gara gu?

1. EMAKUMEA. Zein atsekabeturik gauden, Jauna!

JESUS.- Ez zaituztet nigatik sufritzen ikusi nahi. Negar egin behar baduzue, egin zuen familia eta seme-alabengatik.

2. EMAKUMEA.- Baina, zuk gure artean jarraitze nahi dugu! Ez gaitzazu utzi!

JESUS.- Bene-benetan diotsuet ez zaretela bakarrik geratuko; milioika neba-ahizpa duzue bizilagun izateko.



9. EGONALDIA.- “JESUS HIRUGARREN ALDIZ JAUSTEN DA”

(Hirugarren erorikoan, soldaduek laguntzen diote altxatzen

10. EGONALDIA.- “JESUSI ARROPAK KENTZEN DIZKIOTE”

1. **SOLDADUA.**- Soingainekoa kenduko diot, ez baitu behar izango.

2. **SOLDADUA.**- Neuretzat hartuko dut!

1. **SOLDADUA.**- *(Biak soingainekotik tiraka)* Ezta pentsatu ere! Tira, leon-kastillo!

11. EGONALDIA.- “JESUS GURUTZEAN JOSTEN DUTE”

1. **SOLDADUA.**- Non ipiniko dugu?

2. **SOLDADUA.**- Ipini hor. Ez zenuen, ba, tenplua behera bota eta hiru egunetan berriz eraiki behar?

1. **SOLDADUA.**- Ez zenuen, ba, gizadia salbatu behar? Salba ezazu zeure burua lehenik eta behin!

JESUS.- Ene Jainkoa, barka iezaezu ez baitakite zertan diharduten.



12. EGONALDIA.- “JESUS GURUTZEAN HILTZEN DA”

JESUS.- Iritsi da mundu hau uzteko ordua. Agur ama, agur guztioi! Maite zaituztet, ez ahaztu. Eskerrik asko zuen laguntzagatik!

MARIA.- (*Garrasia*)

1. EMAKUMEA.- Jesus, ez zaitez hil! Geratu gurekin!

2. EMAKUMEA.- Zergatik hil behar duzu? Ene Jainkoa, lagun iezaiozu...

JESUS.- Joan egin behar dut, zain dut Aita... Ene Jainko, zer dela-eta hainbeste atsekabe, zergatik utzi nauzu?.

13. EGONALDIA.- “JESUS GURUTZETIK JAITSI ETA AMAREN ESKUETAN UZTEN DUTE”

Une honetan, galburuak banatu haurren artean. Fruitua eman dezan lurrean erein behar den galburu horrek, Jesukristo irudikatzen du.

14. EGONALDIA.- “JESUS HILOBIAN EZARTZEN DUTE”.

Orain, gurutzea aldarearen erdian ipini eta inguruan loreontziak, banatutako haziak erein ahal izateko. Ureztatu eta zaindu Garizuma- eta Pazko-aldian erne daitezen.



GARIZUMAKO LEHEN IGANDEA



GARIZUMAKO BIGARREN IGANDEA



GARIZUMAKO HIRUGARREN IGANDEA



GARIZUMAKO LAUGARREN IGANDEA



GARIZUMAKO BOSGARREN IGANDEA



ERRAMU-IGANDEA





Acción Católica General
C/ Alfonso XI 4, 5º - 28014 – Madrid
Tfno.: 915 311 323
www.accioncatolicageneral.es



[accioncatolicageneral](#)



[ACGevangelizar](#)